


11  
T5237.47/0304B

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

NOV. 27 1962



青

雅音會 卷之十一



羊城康麟文瑞集次

後學刻溪王鈍校正

哈佛大學漢和  
圖書館珍藏印



下平聲

九青

五言絕句

遺響

過酒家

王績

此日長昏飲。非閑養性靈。眼有人盡醉。何忍獨為醒。

夜下征虜亭

船下廣陵去月明征虜亭。山花如綉頰紅火似流螢。

勞勞亭

天下傷心處勞勞送客亭。春風知別苦不遣柳條青。

五言律詩

始音

文翁講堂

錦里淹中館岷山稷下亭。空梁無燕雀古壁有丹青。

盧照隣

魏落猶疑市苔深不辨銘良哉二千石江漢表遺靈。

遺響

長門怨

沈佺期

月皎風冷冷長門似掖庭。玉階聞墜葉羅幌見飛螢。清露凝珠綴流塵下翠屏。妾心君未察愁嘆劇繁星。

三體

寄司空圖

僧虛中

遺造短褐成一劍動精靈。白書憂仙島清晨禮道經。黍苗侵野徑桑柘汚閑庭。肯要為憐者西南太華清。

補底格清  
出八庚韻

也上

白居易

嫋嫋涼風動，淒淒寒露爽。  
蘭衰花始白，荷破葉猶青。  
獨立棲沙鶴，雙飛照水螢。  
若為寥落境，仍值酒初醒。

秋夜宿淮口

景池

露白草猶青，淮舟倚岸停。  
風帆幾處客，天地兩河星。  
樹靜禽眠草，沙寒鹿過汀。  
明朝誰結伴，直去泛滄溟。

三月五日泛長沙東湖

張又新

上巳餘風景，芳辰集遠坰。  
湖光迷翡翠，草色醉蜻蜓。

馬弄桐花日，魚翻穀雨萍。  
從今留勝會，誰看畫蘭亭。

甘露寺

孫觴

寒暄皆有景，孤絕盡難形。  
地拱千尋險，天高四面青。  
畫燈籠雉塔，夜磬徹魚汀。  
更愛僧房好，波光滿戶庭。

西陵夜居

吳融

寒潮落遠汀，暝色入柴扃。  
漏永沉沉靜，燈孤的的青。  
林風移宿鳥，池雨定流螢。  
盡夕成愁絕，啼蛩莫近庭。

宿宣義池亭

劉得仁

暮色遠柯亭，南山出竹青。  
夜深斜舫月，風定一池星。

島嶼無人迹。孤蒲有鶴翎。此中休便得。何必泛滄溟。  
軍中醉飲寄沈八劉叟

暢當

酒渴愛江清。餘醅漱晚汀。軟莎歌坐穩。冷石醉眠醒。  
野膳隨行帳。華音發從鈴。數盃君不見。都已遣沉冥。

郎上人院最坐

許渾

簾涼襟袖清。月沒尚殘星。山果落秋院。水花開曉庭。  
疎簾風嫋嫋。圓柱露冥冥。正憶江南寺。巖齋聞誦經。

題冲澹上人院

拆石種松子。數根侵杳冥。天寒猶講律。雨暗尚尋經。

小燈燈千盞。深爐水一瓶。碧雲多別思。休道望溪亭。

類編

送趙郡都督赴代州

王維

天宮動將星。漢地柳條青。萬里鳴刁斗。三軍出井陘。  
忘身辭鳳閣。報國取龍庭。不學書生輩。空閒著一經。

秋日旅懷寄右省鄭拾遺

王貞白

未夕愁無寐。秋虫喧夜庭。丰凶分曉月。當枕落殘星。  
懸髮遊梁白。家山近越青。知音在省諫。苦調有誰聽。

題惠上人房

孟浩然

帶雪梅初暖。含煙柳尚青。未窺童子得。聽法王經。  
會裏知無我。觀空厭有形。迷心應覺悟。客思不遑寧。

杜集

秦州雜詩 二十首 其九

今日明人眼。臨池好驛亭。叢低地碧。高柳半天青。  
稠疊多幽事。喧呼閱使星。老夫如有此。不異在郊坰。

高栴 那舍切木名俗作栴

栴樹色冥冥。江邊一盃青。近根開藥圃。接葉製茶亭。  
落景陰猶合。微風韻可聽。尋常絕醉困。卽此片時醒。

又呈寶使君

向曉波微綠。連空岸脚青。日兼春有暮。愁與醉無醒。  
漂泊猶盃酒。躊躇比驛亭。相看萬里別。同是一浮萍。

故武衛將軍挽詞 三首 其一

嚴警當寒夜。前軍落大星。壯夫思感決。哀詔惜精靈。  
王者今無戰。書生已勒銘。封侯意踈闊。編簡為誰青。

行次鹽亭縣。聊題四韻。奉簡嚴遂州。蓬州。

二使君。諮議諸昆季。

馬首見鹽亭。高山擁縣青。雲溪花淡淡。春郭水泠泠。

全蜀多名士。嚴家聚德星。長歌意無極。好為老夫聽。

不離西閣

二首  
其二

西閣從人別。人今亦故亭。江雲飄素練。石壁斷空青。滄海先迎日。銀河倒列星。平生耽勝事。吁駭始初經。

暮春題瀼西新賃草屋

五首  
其三

綵雲陰復白。錦樹曉來青。身世雙蓬鬢。乾坤一草亭。哀歌時自短。醉舞為誰醒。細雨荷鋤立。江猿吟翠屏。

喜觀即到復題短篇

二首  
其二

待爾嗔烏鵲。拋書示鶴鷄。枝間喜不去。原上急曾經。

江閣嬾津柳。風帆數驛亭。應論十年事。愁絕始星星。

泊松滋江亭

紗帽隨鷗鳥。扁舟繫此亭。江湖深更白。松竹遠還青。一柱全應近。高唐莫再經。今宵南極外。其作老人星。

衡州送李大夫七丈赴廣州

斧鉞下青冥。接船過洞庭。北風隨爽氣。南斗避文星。日月籠中鳥。乾坤水上萍。王孫丈人行。垂老見飄零。

獨坐

二首  
其一

竟日兩冥冥。雙崖洗更青。水花寒落岸。山鳥暮過庭。

煖老須燕玉。光饑憶楚萍。胡笳在樓上。哀怨不堪聽。

客舊館

陳跡隨人事。初秋別此亭。重來梨葉赤。依舊竹林青。  
風慢何時卷。寒砧作夜聲。無由出江漢。愁緒一作日冥冥。

路逢襄陽少府入城戲呈揚四員外館

寄與揚員外。山寒少茯苓。歸來稍暄暖。當為斲青冥。  
翻動神仙窟。封題鳥獸形。兼將老藤杖。扶汝醉初醒。

宿白沙驛初過湖南五里

水宿仍餘照。人烟復此亭。驛邊沙雪白。湖外草新青。  
萬家皆春氣。孤棹自客星。隨波無限月。的的近南溟。

韓集

閑遊二首

雨後來更好。繞池徧青青。柳花閑度竹。菱葉故或作穿萍。  
獨坐殊未厭。孤斟詎能醒。持竿至日暮。幽韻欲誰聽。

獨酌四首

獨往南塘上。秋晨景氣醒。露排四岬草。風約半池萍。



鳥下見人寂。魚來聞餌馨。所嗟無可召。不得倒吾甍。  
五言排律

正聲

省試相靈鼓瑟

錢起

善鼓雲和瑟。常聞帝子靈。馮夷空自舞。楚客不堪聽。  
苦調凌金石。清音入杳冥。蒼梧來怨慕。白芷動芳馨。  
流水傳湘浦。悲風過洞庭。曲終人不見。江上數峯青。

杜集

贈翰林張四學士

翰林逼華蓋。鯨力破滄溟。天上張公。八宮中漢客星。  
賦詩拾翠殿。佐酒望雲亭。紫誥仍兼給。黃麻似六經。  
內分金帶赤。恩與荔枝青。無復隨高鳳。空餘泣采螢。  
此生任春草。垂老獨漂萍。倘憶山陽會。悲歌在一聽。

秦州見欽

一作除

目薛三璩授司議郎畢四

曜除監察與二子有故遠喜遷官兼述索

居三十韻

大雅何寥闊。斯人尚典刑。交期余潦倒。材力爾精靈。  
二子陞一本作聲同日諸生困一經。文章開突奧。  
恐當作陞

遷擢潤朝廷。舊好何由展。新詩更憶聽。別來頭併白。  
相見眼終青。伊昔貧皆甚。同憂歲不寧。栖遑分半菽。  
浩蕩逐流萍。俗態猶猜忌。妖氣逐杳冥。獨慙投漢閣。  
俱一本作但議突秦庭。還蜀低無補。囚梁亦固羈。華夷相  
混合。宇宙一羶腥。帝力收三統。天威總四冥。舊都俄  
望幸。清廟肅惟馨。雜種難高壘。長驅甚建瓴。焚香淑  
景歿。漲水望雲亭。法駕初還日。群公若會星。宮臣仍  
點漆。柱史正零丁。官添趨栖鳳。朝回嘆聚螢。喚人有  
腰裏。不嫁惜娉婷。掘劍知埋獄。提刀見發硎。侏儒應

共飽漁父忌。偏醒旅泊窮。清渭長吟望。濁滙羽書還。  
似急烽火未全停。師老資殘寇。戎生及近坰。忠君辭  
憤激。烈士涕飄零。上將盈邊鄙。元勳溢鼎銘。仰思調  
玉燭。誰定掘青萍。隴俗輕鸚鵡。元一本情類鶴鷄。秋  
風動閔塞。高卧想儀形。

韓集

和崔舍人詠月

三秋端正月。今夜出東溟。對山猶分勢。騰天漸吐靈。  
未高蒸遠氣。半上霽孤形。赫奕當躔次。虛徐度杳冥。

長河晴散霧。列宿曙分螢。浩蕩英華溢。蕭疎物象冷。  
或作池邊臨到照。簷際送橫經。花樹參差見。皋禽斷  
續聆。牖光窺寂寞。砧影半娉婷。幽坐看侵戶。閑吟愛  
滿庭。輝斜通壁練。彩碎射沙星。清潔雲間路。空涼水  
上亭。淨堪分顧兔。細得數飄萍。山翠相凝綠。林烟共  
黛青。過隅驚桂側。當午覺輪停。屬思離霞錦。追憶罄  
縹緙。郡樓何處望。誰笛此時聽。右掖連台座。重門限  
禁為。風臺觀混一作漾。水砌步青熒。獨有虞庠客。無  
由拾落奠。

清冷平音

七言絕句

正音

秋夕

杜牧

銀燭秋光冷畫屏。輕羅小扇撲流螢。天階夜色涼如  
水。卧看牽牛織女星。

題城樓

鳴軋江樓角一聲。微陽歛歛落寒汀。不用憑闌苦回  
首。故鄉七十五長亭。

龍池

李商隱

龍池賜酒散雲屏。羯鼓聲高衆樂停。夜半燕歸宮漏  
未。薛王沉醉壽王醒。

寒食寄京師諸弟  
常應物

雨中禁火空齋冷。江上流鶯獨坐聽。把酒看花想諸  
弟。杜陵寒食草青青。

遺響

贈揚鍊師

鮑溶

道士夜誦藥珠經。白鶴下繞香烟聽。夜深經盡人上  
鶴。天風吹入秋冥冥。

三體

小樓

儲嗣宗

松杉風外亂山青。曲几焚香對石屏。記得去年春雨  
後。燕泥時污太玄經。

華陽巾

陸龜蒙

蓮花峯下得佳名。雲褐相兼上鶴翎。湏是古壇秋霽  
後。靜焚香炷禮寒星。

選唐

生公講堂

劉禹錫

生公說法鬼神聽。身後空堂夜不扃。高坐寂寥塵漠漠。一方明月可中庭。

李集

上皇西巡南京歌十七首

錦水東流繞錦城。星橋北掛象天星。四海此中朝聖主。峨眉山下列仙庭。

杜集

漫興九絕

眼見客愁愁不醒。無賴春色到江亭。即遣花開深處

次便教鴛鴦語太丁寧。

絕句

藥條藥甲潤青青。色過棕亭入草亭。苗滿空山慙取舉一作根深際地怯成形

詩集

盆池五首

池光天影共青青。拍岸纔添水數餅。且待夜深明或乘月去。試看涵泳幾多星。

七言律詩

正音

寄和州劉使君

張籍

別離已久猶為郡。閑向春風倒酒瓶。送客特過沙口堰。看花多上水心亭。曉來江氣連城白。雨後山光滿郭青。到此詩情應更遠。醉中歌詠有誰聽。

吳夜宿表兄宅話舊

竇村向

夜合花開香滿庭。夜深微雨酒初醒。遠書珍重何曾達。舊事淒涼不可聽。去日兒童皆長大。昔年親友半凋零。明朝又是孤舟別。愁見河橋酒幔青。

鼓吹

贈日本國僧智藏

劉禹錫

浮杯萬里過滄溟。徧禮名山適性靈。深夜降龍潭水黑。新秋放鶴野田青。身無彼我那懷土。心會真如不讀經。為問中華學道者。幾人雄猛得寧馨。

奉和襲美送弘惠上人

陸龜蒙

一函迢迢過東瀛。抵為先生處乞銘。已得雄詞封淨檢。却懷孤影在禪庭。春過異國人應罵。夜讀滄洲恠亦聽。遙想勒成新塔下。盡望空碧禮文星。

楊尚書寄柳筆

柳宗元

截玉銛錐作妙形。貯雲含霧到南溟。尚書舊用裁天  
詔。內史親將寫道經。曲藝豈能裨損益。微辭祇欲播  
芳馨。桂陽卿月光輝遍。毫末應傳顧兔靈。

秦處士移家富春發樟亭懷寄

李郢

潮落空江洲渚生。知君已上富春亭。嘗聞郭邑山多  
秀。更說官僚眼盡青。離別幾宵魂耿耿。相思一座髮  
星星。仙翁白石高歌調。無復松齋半夜聽。

病孔生

皮日休

烟花難媚思沉淠。猶自擡頭護翠翎。強聽紫簫如欲  
舞。困眠紅樹似依屏。因思桂蠹傷飢骨。為憶松鶻換  
性靈。盡日春風吹不起。鈿毫金縷一星星。

和王昭符進士贈洞庭趙先生

高駢

為愛君山景最靈。角冠秋禮一壇星。藥將鷄犬雲間  
試。琴許魚龍月下聽。自要乘風隨羽客。誰同種玉驗  
仙經。烟霞澹泊無人到。惟有漁翁過洞庭。

閑居寄陳山人

譚用之

閑居何處得閑名。坐掩衡茅損性靈。破夢曉鍾聞竹  
寺。漲心秋雨浸莎庭。甍邊難負千鍾祿。海上終眠萬  
仞青。珍重先生全太古。應看名利似浮萍。

酬邢杜二員外

許渾

雪帶東風洗畫屏。客星懸處聚文星。未歸嵩嶺暮雲  
碧。久別杜陵春草青。箭戟並驅因雀梁。隼旟齊駐是  
鴻冥。豈知京洛舊親友。夢繞潺湲江上亭。

類編

送鄭尚書歸廣州

張籍

聖朝選將持符節。內制宣時百辟聽。海北蠻夷來舞  
踏。嶺南封筦送圖經。白鷗飛繞迎官舫。紅槿開當宴  
客亭。此處莫言多瘴癘。天邊看取老人星。

杜集

嚴中丞枉駕見過

元戎小隊出郊坰。問柳尋花到野亭。川合東西瞻使  
節。地分南北任浮萍。扁舟不獨如張翰。皂帽應兼似  
管寧。寂寞江天雲霧裏。何人道有少微星。



即事

天畔群山孤草亭。江中風浪雨冥冥。雙白魚不受  
釣。三寸黃柑猶自青。多病馬卿無日起。窮途阮籍幾  
時醒。未聞細柳散金甲。腸斷秦州流濁涇。

軍山人隱居

南極老人自有星。北山移文誰勒銘。徵君已去獨松  
菊。哀壑無光留戶庭。予見亂離不得已。子知出處必  
須經。高車駟馬帶傾覆。悵望秋天虛翠屏。

韓集

贊水部張員外宣政衙賜百官櫻桃詩

漢家舊種明光殿。炎帝還書本草經。豈似滿朝承雨  
露。共看傳賜出青冥。香隨翠籠擎初到。色映銀盤寫  
未停。食罷自知無所報。空然慙汗仰高扃。

十七言排律

杜集

題鄭十八著作文

一本作題鄭十八

台州地闊海冥冥。雲水長和島嶼青。亂後故人雙別  
淚。春深逐客一浮萍。酒酣懶舞誰相拽。詩罷能吟不

復聽第五橋東流恨水皇陂岍比結愁亭賈生對鵬  
傷王傳蘇武看羊陷賊庭可念此公懷直道也雷新  
國用輕刑禰衡實愁遭江夏方朔虛傳是歲星窮巷  
悄然車馬絕案頭乾一作死讀書螢

十蒸

五言絕句

寒更承夜來涼久向秋澄離心何以贈自有玉壺冰

駱賓王

正音

江行無題

錢起

咫尺愁風雨匡廬不可登祗疑香霧窟猶有六朝僧

遺響

宮中樂

張仲素

江果瑤池實金盤露井冰甘泉將避暑臺殿曉光凝

古曲

施肩吾

夜裁鴛鴦綺朝織蒲萄綾試一尺心待縫三尺水

五言律詩

蒸

三體

村行

天淡雨初晴。遊人恨不勝。亂山啼蜀魄。孤棹宿巴陵。  
影暗村橋。初光寒水。寺燈罷吟思。故國窓外有。漢豈  
雲居長老

姚揆

王貞白

巘路躡雲上。來叅出世僧。松欹半岩雪。竹覆一溪冰。  
不說有為法。非傳無盡燈。了然方寸內。應祇見南能。

送耿山人遊湖南

周賀

南行隨越僧。舊業一池菱。兩鬢已垂雪。五湖歸掛簪。

夜濤鳴柵鎖。寒葦露船燈。此去更無事。却來猶未能。

早春寄華下同志

裴說

正是花時節。思君寢復興。市沽終不醉。春夢亦無憑。  
嶽回懸青雨。河心走濁冰。東門一條路。離恨鎖相仍。

送普門上人

皇甫冉

花宮難久別。道者憶千燈。殘雪入林路。深山歸寺僧。  
日光依嫩草。泉響滴春冰。何用求方便。看心是一乘。

姑熟官舍寄汝洛友人

許渾

官靜亦無能。平生少面朋。務閑唯印吏。公退只蒸僧。

藥鼎初寒火書龕欲夜灯安知北溟水終日送搏鵬

盈上人

月沉霜已凝無夢竟寒灯寄世何時客脩身未到僧  
二毛梳上雪雙淚枕前冰借問遭溪路山多樹幾層

晨起

桂樹綠層層風微烟露凝簷楹樹落月惺忪耿殘燈  
蕪簾曙香冷越瓶秋水澄心閑即無事何異住山僧

杜集

泊岳陽城下

江國輸千里山城僅百層岼風翻夕浪舟雪洒寒燈  
留滯才難盡艱危氣益增圖南未可料變化有鯤鵬

故武衛將軍挽詞其二

舞劍過人絕鳴弓射獸能銛鋒行愜順猛噬失躑騰  
赤羽千夫膳黃河十月水橫行沙漠外神速至今稱

江邊星月其二

驟雨清秋夜金波耿玉繩天河元白白江浦向來澄  
映物連珠斷綠空一鏡升餘光憶更漏况乃露華凝

五言排律

正聲

歲暮自廣江至新興往復中題峽山寺

許渾

薄暮緣西峽停橈  
訪僧鷺巢行卧柳猿飲倒垂藤  
水曲巖千疊雲深樹百層  
山風寒數磬溪雨夜船燈  
灘漲危槎沒泉衝恠石崩  
中臺一襟淚歲杪別良朋

杜集

寄劉峽州伯華使君四十韻

峽內多雲雨秋來尚鬱蒸  
志山朝白帝深水謂夷陵

遲暮嗟為客西南喜得朋  
哀猿更起坐落鳥失飛騰  
伏枕思瓊樹臨軒對玉繩  
青松寒不落碧海濶逾澄  
昔歲文為理群公價盡增  
家聲同令聞時論以儒稱  
太后當朝肅多才接迹  
昇翠虛捎颺丹極上鯢鵬  
宴引春壺酒息分夏簟水  
雕章五色筆紫殿九華灯  
學並盧王敏書借褚薛能  
老兄真不墜小子獨無承  
近有風流作聊從月窺  
徵放蹄知赤驥扶翅服蒼鷹  
卷軸來何晚襟懷庶可憑  
會期吟諷數益破旅愁疑  
雕刻初誰料織毫欲自矜  
神融躡飛動戰勝洗侵凌

妙取筌蹄棄高宜百萬層白頭遺恨在青竹幾人登  
回首追談笑勞歌躅寢興年華分已矣世故莽相仍  
刺史諸侯貴郎官列宿應潘生驂閣遠黃霸璽書增  
乳贗號攀石饑飈訐落藤藥囊親道士灰劫問胡僧  
憑久烏皮綻簪稀白帽稜林居看蟻穴野食待魚罾  
筋力交凋喪飄零免戰兢皆為百里宰正似六安丞  
姪女榮新裏丹砂冷舊秤但求椿壽求莫慮杞天崩  
鍊骨調情性張兵撓棘矜養生終自惜伐叛必全憑  
政術甘踈誕詞場愧服膺展懷詩誦魯割愛酒如澆

咄咄寧書字冥冥欲避矰江湖多白鳥天地有青蠅

贈特進汝陽王二十韻

特進群公表天人夙德升霜蹄千里駿風翮九霄鵬  
服禮求毫髮推忠忘寢興聖情常有眷朝退若無憑  
仙醴求浮蟻竒毛或似鷹清閑塵不雜中使日相乘  
晚節嬉遊簡平居孝義稱自多親棣萼誰敢問山陵  
學業醇儒富一作腐辭華哲匠能筆飛鸞聳立章罷鳳  
騫騰精理通談笑忘形向友朋寸腸堪繾綣一諾豈  
驕矜已忝歸曹植何如對李膺招要恩屢至崇重力

難勝披霧初歡夕高秋爽氣澄樽壘臨極浦鳧雁宿  
張燈花月窮遊宴炎天避鬱蒸硯寒金井水簷動玉  
壺冰瓢飲惟三逕巖栖異一塍謬一作持蠡測海况  
挹一作把酒如澗鴻寶寧全秘丹梯庶可陵淮王門有  
客終不愧孫登

七言絕句

正音

將赴吳興登樂遊原

杜牧

清時有味是無能閒愛孤雲靜愛僧  
何欲把一麾江海

去樂遊原上望招陵

寄別朱拾遺

劉長卿

天書遠詔滄浪客幾度臨岐病未能  
江海茫茫春欲徧行人一騎發金陵

遺響

連駕西遊因而有作

溫庭筠

宣曲長陽瑞氣疑上林狐兔待秋鷹  
誰將詞賦陪雕輦寂寞相如卧茂陵

選唐

經秦王墓

許渾

龍盤虎踞樹層層勢入浮雲亦是崩  
一種青山秋草裏路人惟拜漢文陵

杜集

解悶十二首其八

不見高人王右丞藍田立壑蔓寒藤  
最傳秀句裏區滿未絕風流相國能

韓集

楸樹二首其一

幾歲生成為大樹一朝纏繞困長藤  
誰人與脫青羅被看吐高花萬萬層

七言律詩

三體

慈思偶題

鄭谷

往事悠悠成浩嘆勞生擾擾竟何能  
故山歲晚不堪去高塔晴來獨自登  
林下聽經秋苑廢溪邊掃葉夕陽僧  
吟餘却起雙峯念曾看庵西瀑布冰

咸陽懷古

劉滄



經過此地無窮事一望淒然感廢興渭水故都秦二世咸陽秋草漢諸陵天空絕聞邊邊鴈葉盡孤村見夜灯風景蒼蒼多少恨寒山半出白雲層

蒲津河亭

唐彦謙

宿雨清秋霽景澄廣亭高樹向晨興烟橫博望乘槎水上文王避雨陵孤棹夷猶期獨徃曲欄愁絕每長凭思鄉懷古多傷別况此哀吟意不勝

鼓吹

退樓

司空圖

宦遊蕭索為無能移住中條最上層得劍乍如添健僕亡書久似失良朋燕昭不是空憐馬支遁何妨亦愛鷹自致此身繩檢外肯教世路日兢兢

贈別前蔚州契苾使君

李商隱

何年部落到陰陵奕世勒王國史稱夜捲牙旗千帳雪朝飛羽騎一河水蕃兒襁負來青塚狄女壺將出白登日暮鷓鴣泉畔獵路人遙認到都鷹

次韻日休見寄

陸龜蒙

共尋花思極飛騰病帶春寒去未能烟徑水涯多好

鳥竹牀蒲椅但高僧須知日富為神授祇有家貧免  
盜憎除却數函圖籍外更將何事結良朋

送靈先輩自衡岳赴復州嘉禮

許渾許渾詩  
附鼓吹

湘南詩客海中行鵬翅垂雲不自矜秋水靜磨金鏡  
上夜風寒結玉壺冰萬重嶺嶠辭衡岳千里山河問  
竟陵醉倚西樓人已遠柳溪無浪月澄澄

獻韶陽相國崔公

一匱為功極九層康莊猶自拔稜稜舟回北渚經年

泊門接東山盡日登萬國已聞傳王璽百官猶望啓  
金滕賢臣會致唐虞世獨倚江樓笑范增

南庭夜坐貽開元禪定二道者

薄暮焚香何處宿西巖一室映疎藤光陰難駐跡如  
客寒暑不驚心是僧高樹有風聞夜磬遠山無月見  
秋灯身閑境靜日為樂若問自餘我未能

杜集

早秋苦熱堆案相仍

時任華  
州司功

七月六日苦炎熱對食暫食還不能每愁夜中自足

蝸况乃秋後轉多蠅束帶發狂欲大叫簿書何急來  
相仍南望青松架短壑安得赤脚踏層冰

首夏多病執熱奉懷李尚書之芳

衰年正苦病侵陵首夏何須氣鬱蒸大水淼茫炎海  
接竒峯碑兀火雲升思沾道渴黃梅雨敢望宮息玉  
井冰不是尚書期不顧山陰夜雪興難乘

十一元

五言絕句

始音

既新月

駱賓王

忌滿光恒缺乘昏影暫流自註明似鏡何用曲如鉤

正音

流水曲

崔國輔

歸來日向早更欲向芳洲渡口水流急回船不自由

見渭水思秦川

岑參

渭水東流去何特到雍州憑添兩行淚寄向故園流

登柳州岷山

柳宗元

荒山秋日午獨上意悠悠如何望鄉處西地是融州

江南曲

儲光義

日暮長江裏相邀歸渡頭落花如有意來去逐船流

采蓮

崔國輔

玉蕊花爭發金塘水亂流相逢畏相失並着采蓮舟

長沙驛前南樓感舊

柳宗元

海鶴一為別存亡三十秋今來數行淚獨上驛南樓

漢宮曲

韓君平

繡幕珊瑚鈞未闕翡翠樓深情不肯道嬌倚鈿盤篔

貫纒音

高樓

于武陵

遠天明月出照此誰家樓上月羅衣裳涼風吹不休

效崔國輔體

韓滉

雨後碧苔院霜來紅葉樓閣上斜日鸚鵡伴人愁

絕句

李商隱

滯雨長安夜殘燈獨客愁故鄉雲水地歸夢不宜秋

客中樂

長孫佐輔

九重青鎖闥百尺碧雲樓明月秋風起珠簾上玉鈞

古詞

李群玉

一合相思淚臨江洒素秋碧波如會意却與向西流

新月

盧仝

仙宮雲箔卷露出玉簾鈎清光無所贈相憶鳳凰樓

兩夜呈長宮

李群玉

遠客坐長夜雨聲孤寺秋請量東海水看取淺深愁

涼州詞

薛逢

千里東歸客無心憶舊遊掛帆過白水高枕到青州

正聲

歸燕

崔道融

海燕頻來去西人獨滯留天邊又相送腸斷故園秋

夜泊九江

夜泊江門外懽聲月下樓明朝歸去路猶隔洞庭秋

秋日湖上

許瑩

落日五湖遊烟波處處愁浮沉千古事誰與問東流

李集小

田園言懷

賈誼三年謫班超萬里侯何如牽白犢飲水對清流

陪侍郎叔遊洞庭醉後

其三

刻却君山好平鋪湘水流巴陵無限酒醉殺洞庭秋

秋浦歌 十七首

其七

醉上山公馬寒歌窸窣牛空吟白石爛淚滿黑貂裘

杜集

復愁 十二首

其七

胡虜何曾盛干戈不肯休問閭聽小子談笑覓封侯

即事

百寶裝腰帶真珠絡臂鞵笑時花近眼舞罷錦纏頭

韞集

流水

汨汨幾時休從春復到秋只或作言池未滿池滿強

交流

西山

新月迎香掛晴雲到晚留為遮西望眼終是懶回頭

五言律詩

始音

紫騮馬

楊炯

俠宋重周遊金鞭控紫騮蛇矛白羽箭鶴纒赤茸鞵

發跡采南海長鳴向北州  
匈奴今未滅畫地取封侯

正音

送平淡然判官

王維

不識陽關路新從定遠侯  
黃雲斷春色畫角走邊愁  
瀚海經年別交河出塞流  
須令外國使知飲月支頭

南州有贈

賈至

越井入南去湘川水北流  
江邊數杯酒海內一孤舟  
嶺嶠同仙客京華即舊遊  
春心特別恨萬里共悠悠

宿雲門寺閣

孫逖

香閣東山下烟花象外幽  
懸燈千嶂夕卷幔五湖秋  
畫壁餘鴻鴈紗窓宿斗牛  
更疑天路近夢與白雲遊

題陸山人樓

儲光羲

暮聲雜初鴈夜色澹早秋  
獨見海中月照君池上樓  
山雲拂高棟天漢入雲流  
不惜詎光滿其如千里遊

宿桐廬江

孟浩然

山暝聽猿愁冷江空心夜流  
風鳴兩岸葉月照一孤舟  
建德非吾土維揚憶舊遊  
還將兩行淚遥寄海西頭

梅道士水亭

起句用對中四句全不對

傲吏非凡吏名流即道流  
隱居不可見高論莫能酬  
水接仙源近山藏鬼谷幽  
尋來處所花下問漁舟

送劉評事充朔方判官  
中賦得征馬嘶

高適

征馬向邊州蕭蕭嘶未休  
思深心帶別聲斷為無秋  
岐路風將遠關山月共愁  
贈君從此去何日大刀頭

送揚州王司馬

岑參

君家舊淮水水上到揚州  
海樹生官舍江雲黑郡樓  
東南隨去馬人吏待行舟  
的報吾兄道如今已白頭

字法

武威春莫聞宇文判官西使還已到晉昌  
片雨過城頭黃鸝上戍樓  
寒花飄客淚邊柳掛鄉愁  
白髮悲明鏡青春換弊裘  
君從萬里去聞已到瓜州

送王牧往吉州謁使君

李嘉祐

細草綠汀洲王孫耐薄遊  
羊華初冠帶文采舊弓裘  
野渡花爭發春塘水亂流  
使君憐小阮應念倚門愁

松江獨宿

劉長卿

洞庭初下葉孤客不勝愁  
明月天涯夜青山江上樓  
一官成白首萬里寄滄洲  
久被浮名繫能無愧海鷗



漂母墓

昔賢懷一飯，茲事已千秋。古墓樵人識，前朝楚水流。  
渚蘋行客薦，山木杜鵑秋。春草茫茫綠，王孫舊此遊。  
秋夜南宮寄澧上二弟及諸生

常應物

暝色起烟閣，沉抱積離憂。况茲風雨夜，蕭條梧葉秋。  
空雨感涼至，頽頽驚歲秋。日夕遊閑下，山木憶同遊。  
醉後憶山中人

王建

花開草復秋，西采自悠悠。因醉暫無事，任生難免愁。

遇晴須看月，聞健且登樓。暗想山中伴，如今盡白頭。

三體

送人入蜀

李遠

蜀客本多愁，今君是勝遊。碧藏雲外樹，紅露驛邊樓。  
杜宇呼名語，巴江學字流。不知烟雨夜，何處夢刀州。

新秋對月寄樂天

劉禹錫

月露發光彩，此時方見秋。夜涼金氣應，天靜火星流。  
蟲響偏依井，螢飛直過樓。相知盡白首，清景復追遊。  
宿荆溪館呈丘義興

嚴維

失路荆溪上。依仁忽暝投。長橋今夜月。陽羨古時州。  
野燒明山郭。寒更出縣樓。先生能館我。何事五湖遊。

秋夜泛舟

劉方平

林塘夜泛舟。蟲響狹颼颼。萬影皆因月。千聲各為秋。  
歲華空復晚。鄉思不堪秋。西北浮雲外。伊川何處流。

南溪別業

岑參

結雨依青嶂。開軒對綠潭。樹交花兩色。溪合水重流。  
竹徑春來掃。蘭樽夜不收。逍遙自得意。鼓腹醉中遊。

宿關西客舍寄嚴許二山人天寶具高道舉

与花亂柳  
掛回清

雲送關西雨。風傳渭北秋。孤燈燃客齋。寒杵搗鄉愁。  
難上思嚴子。山中憶許由。蒼生今有望。飛詔下林丘。

題江陵臨沙驛樓

司空曙

江天清更愁。風柳入江樓。鴈識楚山晚。蟬知秦樹秋。  
淒涼多獨醉。零落半同遊。豈復平生意。蒼然蘭杜洲。

冬日野望

于良史

地際朝陽滿。天邊宿霧收。風兼殘雪起。河帶斷水流。  
北闌馳心極。南圖尚旅遊。登臨思不已。何處可消憂。

洛陽早春

顧况

余在洛中每見之

何地避春愁。終年憶舊游。一家千里外。百舌五更頭。客路偏逢雨。鄉山不入樓。故園桃李月。伊水向東流。

寄來嘉崔道融

司空圖

旅寓雖難定。乘閑是勝遊。碧雲蕭寺霽。紅樹謝村秋。戍鼓和潮暗。船燈照島幽。詩家多滯此。風景似相留。

正聲

送王司州陳錄事

韓翃

壽陽南渡口。欵笏見諸侯。片雨楚雲暮。千家淮水秋。開簾見芳草。送客上春洲。請問山中桂。王孫幾度遊。

雲夢故城秋望

戎昱

故國遺墟在。登臨想舊遊。一朝人事變。千載水空流。夢渚鴻聲晚。荆門樹色秋。片雲凝不散。遙想望鄉愁。

送人之九江謁郡侯留員外

鄭谷

澤國尋知己。南溟不偶遊。湓城分楚塞。廬岳對江州。曉飯臨孤嶼。春帆入亂流。雙旌相望處。日白庾公樓。

送魏人

高適

更酤淇上酒。還訊驛前舟。為惜故人去。復憐嘶馬愁。雲山行處合。風雨興中秋。此路無知己。明珠莫暗投。

類編

送奚賈歸吳

郎士元

東南富貴春。諸會是謝公。遊今日奚生去。新安江上秋。  
水空清過客。楓葉送行舟。遙想赤亭下。聞猿應夜愁。

送人入蜀

張喬

劍閣緣空去。西過第幾州。舟宵行客語。明月杜鵑愁。  
露帶山花落。雲隨野水流。相如曾醉地。莫恋少年遊。

題潼關驛樓

崔顥

客行逢雨霽。馭馬上津樓。山勢雄三戶。關門扼九川。

川從陝路去。河繞華陰流。向晚登臨處。風烟萬里愁。

裴迪書齋翫月

錢起

夜長詩酒興。月上謝公樓。影閉重門靜。寒生獨榻秋。  
鵲驚隨葉散。螢遠入烟流。今夕遙天末。清輝幾處愁。

他鄉七夕

孟浩然

他鄉逢七夕。旅館益羈愁。不見穿針婦。空懷故國樓。  
緒風初減熱。新月始登秋。誰念窺河漢。迢迢問下牛。

深度驛

張說

旅宿青山夜。荒庭白露秋。洞房懸月影。高枕聽江流。

猿響空岩樹。螢飛古驛樓。他鄉對搖落。併覺起離憂。

河岳英靈

九日懷襄陽

孟浩然

去國似如昨。倏然驚杪秋。峴山望不見。風景使人愁。  
誰採籬邊菊。應閑池上樓。宜城多美酒。歸與葛強遊。

李季集

宮中行樂詞八首

今日明光裏。還須結伴遊。春風開紫殿。天樂下珠樓。  
艷舞全知巧。嬌歌半欲羞。更憐花月夜。宮女笑藏鉤。

其二

水綠南薰殿。花紅北闕樓。鶯歌聞太液。鳳吹繞瀛州。  
素女鳴珠珮。天人弄綵毬。今朝風日好。宜入未央遊。

秋浦歌十七首

秋浦猿愁夜。黃山堪白頭。清溪非隴水。翻作斷腸流。  
欲去不得去。薄遊成久遊。何年是歸日。兩淚下孤舟。

渡荆門送別

渡遠荆門外。來從楚國遊。山隨平野盡。江入大荒流。  
月下飛天鏡。雲生結海樓。仍連故鄉水。萬里送行舟。

太原早秋

歲落衆方歇。時當大火流。霜威出塞早。雲色渡河秋。  
夢繞邊城月。心飛故國樓。思歸若汾水。無日不悠悠。

金陵

地擁金陵勢。城迴江水流。當時百萬戶。夾道起朱樓。  
七國生春草。王宮沒古丘。空餘後湖月。波上對江州。

謝公亭

謝公離別處。風景每生愁。客散青天月。山空碧水流。  
池花春映日。窓竹夜鳴秋。今古一相接。長歌懷舊遊。

寄淮南友人

紅顏悲舊國。青歲歇芳洲。不待金門詔。空持寶劍遊。  
海雲迷驛道。江月隱鄉樓。復作淮南客。因逢桂樹留。

楚江黃龍磯南宴楊執戟治樓

五月分五洲。碧山對青樓。故人揚執戟。春賞楚江流。  
一見醉漂月。三不歌柳謳。桂枝攀不盡。他日更相求。

杜集

落日

落日在簾鉤。溪邊春事幽。芳菲綠岸圃。樵爨倚灘舟。

暮雀爭枝墜，飛蟲滿院游。濁醪誰造汝，一酌散千憂。

題張氏隱居

之子持相見，邀人晚興留。澄潭鱣鱖發，綠草鹿呦呦。  
杜酒偏勞勸，張梨不外求。前村山路險，歸醉每無愁。

江漲

江發蠻夷漲，山添雨雪流。大聲吹地轉，高浪蹴天浮。  
魚鼈為人得，蛟龍不自謀。輕帆好去便，吾道付滄洲。

并跡三首  
其二

晚起家何事，無筇地轉幽。竹光團野色，舍影漾江流。

失學從兒嬾，長貧任婦愁。百年渾得醉，一月不梳頭。

歸鴈

聞道今春鴈，南歸白廣州。見花辭漲海，避雪到羅浮。  
是物閑兵氣，何時免客愁。年年霜露隔，不過五湖秋。

登岳陽樓

昔聞洞庭水，今上岳陽樓。吳楚東南拆，乾坤日夜浮。  
親朋無一字，老病有孤舟。戎馬閔山北，憑軒涕泗流。

更題

只慮一作因踏初雪，騎馬發荊州。直怕巫山雨，真傷白

帝秋群公蒼玉珮。天子翠雲裘。同舍晨趨侍。胡為淹  
此留。

白帝城樓

江度寒山閣。城高絕塞樓。翠屏宜晚對。白谷會深遊。  
急急能鳴鴈。輕輕不下鷗。夷陵春色起。漸擬放扁舟。

夜雨

小雨夜復密。迴風吹早秋。野一作夜涼侵閉戶。江浦帶  
維舟。通籍恨多病。為郎忝薄遊。天寒山出巫。峽醉別仲  
宣樓。

得舍弟觀書自中都已達江陵今茲暮春  
月末行李合到夔州悲喜相  
賦詩即事情見乎辭

爾到一作過江陵府。何時到峽州。亂離生有別。聚集病  
應瘳。颯颯開啼眼。朝朝上水樓。老身須付托。白骨更  
何憂。

戲題寄上漢中王

策杖時能出。王門異昔遊。已知嗟不起。未許醉相留。  
蜀酒濃無敵。江魚美可求。終思一酩酊。淨掃鴈池頭。



西閣口號呈元二十一

山木抱雲稠。寒空繞上頭。雲崖終變石。風幔不依樓。  
社稷堪流涕。安危在運籌。肯君話王室。感動幾銷憂。

月

四更山吐月。殘夜水明樓。塵匣元開鏡。風簾自上鉤。  
兔應疑鶴髮。蟾亦恋貂裘。斟酌姮娥寡。天寒奈九秋。

曉望白帝城鹽山

徐步移班杖。看山仰白頭。翠深開斷壁。紅遠結飛樓。  
日出清江望。暄和散旅愁。春城見松雪。始擬進歸舟。

暮秋將歸秦留別湖南幕府親友

水閣蒼梧野。天高白帝秋。途窮那免哭。身老不禁愁。  
大府才能會。諸公德業優。北歸衝雨雪。誰憫弊貂裘。  
晚年長沙蔡。五侍御飲筵。送殷六參軍歸

澧州觀省

佳士欣相識。慈顏望遠遊。甘從投轄飲。肯作置書郵。  
高鳥黃雲暮。寒蟬碧樹秋。湖南冬不雪。吾病得淹留。

過故斛斯校書莊

此老已云歿。鄰人絕未休。  
亦一作竟無宣室召。徒有茂

陵求。妻子寄他食，園林非昔遊。空餘總帷在，浙浙野風秋。

承聞故房相公靈輿自閩州啓殯歸葬東都有作

丹旄飛飛日，初傳發閩州。風塵終不解，江漢忽同流。劍動新身匣，書歸故國樓。盡哀知有處，為客恐長休。

送李功曹之荊州充知侍御判官重贈

會聞宋玉宅，每欲到荊州。此地生滄晚，遙悲水一作國秋。孤城一柱觀，落日九江流。使君雖光彩，青楓遠自

愁。

十六夜翫月

舊挹金波爽，皆傳玉露秋。關山隨地闊，河漢近人流。谷口樵婦唱，孤城笛起愁。巴音渾不寐，半夜有行舟。

第五弟豐獨在江左近三四載寂無消息

覓使寄此二首其二

聞汝依山寺，杭州定越州。風塵淹別日，江漢失清秋。影著啼猿樹，魂飄結蜃樓。明年下春水，東盡白頭求。  
上牛頭寺

青山意不盡，衮衮上牛頭。無復能拘礙，真成浪出遊。  
花濃春寺靜，竹細野池幽。何處鶯啼切，移時獨未休。

玉臺觀

浩劫因王造，平臺訪古遊。絲雲蕭史駐，文字魯恭留。  
宮闕通群帝，乾坤到十洲。人傳有笙鶴，時過北山頭。

秦州雜詩

二十首 其一

滿目悲生事，因人作遠遊。逢迴度醜怯，浩蕩及閑愁。  
水落魚龍夜，山空鳥鼠秋。西征問烽火，心折此淹留。

秋日阮隱居致雝三十束

隱者柴門內，畦蔬逸舍秋。及盤承露甃，不待致書求。  
束比青芻色，圓齊玉筍頭。衰年閑鬪冷，味暖併無憂。

遊修覺寺

野寺江天豁，山扉花竹幽。詩應有神助，吾得及春遊。  
徑石相縈帶，川雲自去留。禪枝宿衆鳥，漂轉暮歸愁。

江漲

江漲柴門外，兒童報急流。下牀高數尺，倚杖沒中洲。  
細動迎風燕，輕搖逐浪鷗。漁人縈小楫，容易拔船頭。  
陪諸貴公子丈八溝携妓納涼晚際遇雨

二首  
其二

雨來霑席上，風急打船頭。  
越女紅裙濕，燕姬翠黛愁。  
纜侵堤柳繫，幔卷浪花浮。  
歸路翻蕭颯，陂塘五月秋。

憶弟  
其二  
其一

喪亂聞吾弟，飢寒傍濟州。  
人稀書不到，兵在見何由。  
憶昨狂催走，無時病去憂。  
即今千種恨，惟共水東流。

晚行口號

三川不可到，歸路晚山稠。  
落鴈浮寒水，飢鳥集戍樓。  
市朝今日異，喪亂幾時休。  
遠愧梁江總，還家尚黑頭。

秋日寄題鄭監湖上亭

碧草遠春音，沅湘萬里秋。  
池要山簡馬，月盡庾公樓。  
磨滅餘篇翰，平生一釣舟。  
高唐寒浪減，髣髴識昭丘。

昭丘楚昭王墓也

江上

江上日多雨，蕭蕭荆楚秋。  
高風下木葉，永夜攬貂裘。  
勲業頻看鏡，行藏獨倚樓。  
時危思報主，衰謝不能休。

覆舟

巫峽盤渦曉，黔陽貢物秋。  
丹砂同隕石，翠羽共沉舟。

羈使空斜影。龍居悶集流。篙工幸不溺。俄頃逐輕鷗。

村雨

雨聲傳兩雨一作夜寒事颯高秋。絮帶着朱紱。開箱覩  
黑裘。世情只益睡。盜賊敢忘憂。松菊新霑洗。茅齋慰  
遠遊。

題玄武禪師屋壁

何年顧虎頭。滿壁畫滄洲。赤日石林氣。青天江海流。  
錫飛常近鶴。杯度不驚鷗。似得廬山路。真隨惠遠遊。  
巴西驛亭觀江漲呈寶十五使石

轉驚波作惡。即恐岸隨流。賴有盃中物。還同海上鷗。  
関心小剡縣。傍眼見揚州。為接情人飲。朝來減片愁。  
陪王使君晦日泛江就黃家亭子

西山

山豁何時斷。江平不肯流。稍知花改岸。始驗鳥隨舟。  
結束多紅粉。懽娛恨白頭。非君愛人客。晦日更添愁。  
辛苦二城戍。長防萬里秋。烟塵侵火井。雨雪閉松州。  
風動將軍幕。天寒使者裘。漫山賊營壘。迴首得無憂。  
搖落

搖落巫山暮寒江東北流烟塵多戰鼓風浪少行舟  
鶴費羲之墨貂餘季子裘長懷報明主卧病復高秋

玉腕騮

聞說荆南馬尚書玉腕騮頓驂飄赤汗跼蹐顧長楸  
胡虜三年入乾坤一戰收舉鞭如有問欲伴習池遊

送王十六判官

客下荆南盡君今復入舟買新酒白帝鳴櫓已沙頭  
衡霍生春早蕭湘共海浮荒林庾信宅為伏主人留

舍弟觀歸藍田迎新婦送示

其二首

楚塞難為路藍田莫滯留衣裳判白露鞍馬信清秋  
滿峽重江水開帆八月舟此時同一醉應在仲宣樓

懷灞上游

悵望東陵道平生灞上游春濃停野騎夜宿敞雲樓  
離別人誰在經過老自休眼前今古意江漢一歸舟

不寐

瞿唐夜水黑城內改更籌翳翳月沉霧輝輝星近樓  
氣衰耳少寐心弱恨容多一作愁多壘滿山谷桃源無  
處求

旅夜書懷

細草微風岼危檣獨夜舟。星垂平野闊月湧大江流。  
名豈文章著官應老病休飄飄何所似天地一沙鷗。

去蜀

五載客蜀郡一年居梓州如何閉塞阻轉作瀟湘遊。  
萬事已黃髮殘生隨白鷗安危大臣在何必一作不必淚長流。

重題

哭李尚書之夢

涕泗一作不能收哭君餘白頭兒童相顧盡宇宙此

生浮江雨鎔旌濕湖風并延一作秋還瞻魏太子賓客咸應劉。

獨立

空外一鷺鳥河間雙白鷗飄飄搏擊便容易往來遊。  
草露亦多濕蛛絲仍未收天機近人事獨立萬端憂。

韓集

祖席秋字

淮南悲木落而或作我亦傷秋况與故人別那堪羈宦愁。  
榮華今異路風雨苦同憂莫以宜春遠江山多

勝遊

五言排律

始音

晚泊蒲類

駱賓王

二庭歸望斷。萬里客心愁。山路猶南屬。河源自北流。  
晚風連朔氣。新月照邊秋。竈火通軍壁。烽烟上戍樓。  
龍庭但苦戰。燕領會封侯。莫作闌山下。空令漢國羞。

正音

新成甲杖樓

張籍

謝氏起高樓。西臨城上頭。圖功百尺麗。戲器五兵修。  
結構榱甍固。虛明戶檻幽。魚龍卷旗幟。霜雪積戈矛。  
暑雨歆萊隔。涼風宴位留。地高形遠出。山靜氣清優。  
睥睨斜光徹。闌干宿靄浮。芊芊秔稻色。脉脉苑溪流。  
郡化王丞相。詩成沈隱侯。居茲良得景。殊勝峴山遊。

遺響

相逢行

崔顥

妾年初二八。家住洛橋頭。玉戶臨馳道。朱門近御溝。  
使君何暇問。夫婿大長秋。女弟新承寵。諸兄近拜侯。



春生百子殿，花發五城樓。出入千門裏，年年樂未休。  
送林處士自閩中道越由霅抵兩川

許渾

書劍少青眼，烟波初白頭。鄉關背梨嶺，客路轉蘋洲。  
處困道難固，乘時恩易酬。鏡中非訪戴，劍外欲依劉。  
高枕海天暝，落帆江雨秋。鼉聲應遠鼓，蜃氣學危樓。  
智士役千慮，達人經百憂。唯聞陶靖節，多在醉鄉遊。

類編

和與太子三月三日遊龍池 王維

故事脩春禊，新宮展豫遊。明君移鳳輦，太子出龍樓。  
賦掩陳王作，杯如洛水流。金人來捧劍，畫鷁去回舟。  
苑樹浮宮闕，天池照冕旒。宸章在雲漢，垂象滿皇州。  
上巳應制 楊巨源

萬乘親齋祭，千官喜豫遊。奉迎從上苑，袂襖向中流。  
草樹迎容衛，山河對冕旒。畫旗搖浦淑，春服滿汀洲。  
仙籙龍媒下，神皋鳳蹕留。從今億萬載，天寶紀春秋。

華清宮

溫庭筠

憶昔開元日，承平事勝游。貴妃專寵幸，天子富春秋。

月白霓裳殿，風乾羯鼓樓。鬪雞花蔽膝，騎馬玉搔頭。  
綉轂千門妓，金鞍萬戶侯。薄雲欺雀扇，輕雪犯貂裘。  
過客聞韶濩，居人識冕旒。氣和春不覺，烟煖雪難收。  
滄浪和瓊砌，晴陽上綵旒。卷衣輕鬢懶，窺鏡淡蛾羞。  
屏掩芙蓉帳，簾垂玳瑁鉤。重瞳分渭曲，纖手指神州。  
銜案迷荒草，天袍妬石榴。深岩藏浴鳳，鮮隰媚潛虬。  
不料邯鄲蠶，俄成即墨牛。劍鋒輝大練，旗焰拂靈旒。  
為嬖陪行在，孤臣預坐籌。瑤簪遺翡翠，霜仗駐驂騑。  
鼙笑雙飛斷，香魂一哭休。早梅悲蜀道，高樹隔昭丘。

朱閣重窗近，蒼生萬古愁。至今湯殿水，鳴咽縣前流。

送劉相公催轉運

劉長卿

國用資戎事，臣勞為主憂。將徵江土貢，更發濟川舟。  
擁傳星還去，回遲鳳不留。鞋高飲米節，稍淺別家愁。  
落葉淮邊雨，孤村海上洲。遙知謝公興，微月在高樓。  
送王相公赴幽州二首 其一  
黃閣開帷幄，丹墀拜冕旒。位高湯左相，權總漢諸侯。  
不改周南化，仍分趙北憂。雙旌過易水，千騎入幽州。  
塞草連天暮，邊風動地秋。無因陪遠道，結佩吳鉤。

大泊宣城界

孟浩然

西塞松江島，南陵問驛樓。湖平津濟闊，風止客帆收。  
去去懷前浦，茫茫泛文流。石逢羅剎礙，山泊敬亭幽。  
火熾梅根冷，烟迷柳葉洲。離家復水宿，相伴賴沙鷗。

河岳英靈

登水門樓見亡友張真期題望黃河作因

以感興

崔署

吾友東南美，昔聞登此樓。人隨川上去，書在壁中留。  
叢子好真隱，謝公耽遠遊。清夜初作頌，暇日復消憂。

時與交友古，跡隨山水幽。已孤蒼生望，坐見黃河流。  
流落年將晚，悲涼物已秋。天高不可問，搔淚赴行舟。

杜集

西閣

其二

懶心似江水，日夜向滄州。不道含香賤，其如鑄白休。  
經過凋碧柳，蕭索倚朱樓。畢娶何時竟，消中得自由。  
豪華看古往，服食寄冥搜。詩盡人間意，魚須入海求。

重送劉十弟判官

分源豈常派，別浦屬宸秋。年事推兄忝，人才覺弟優。

經過辨鄧劍。意氣逐吾鉤。垂翅徒衰老。先鞭不滯留。  
本枝凌歲晚。高義豁窮愁。他日臨江待。長沙舊驛樓。  
之秋日雨院中有作

山雲行絕塞。大火復西流。飛雨動華屋。蕭蕭梁棟秋。  
窮途愧知己。暮齒借前籌。已費清晨謁。那成長者謀。  
解衣開北戶。高枕對南樓。樹濕風涼進。江喧水氣浮。  
禮寬心有適。節爽病微瘳。主將歸調鼎。吾還訪舊丘。  
送王信州

朝廷防盜賊。供給敗誅求。下詔選郎署。傳聲與信州。

蒼生今日困。天子嚮時憂。井屋有烟起。瘡痍無血流。  
壤歌唯海甸。畫角自山樓。白髮寐常早。荒榛農復秋。  
解龜踰卧轍。遣騎覓扁舟。徐榻不知倦。穎川何以酬。  
塵生彤管筆。寒膩黑貂裘。高義終焉在。斯文去矣休。  
別離同雨散。行止各雲浮。林熱鳥開口。江渾魚掉頭。  
尉佗雖北拜。大史尚南留。軍旅應都息。寰區要盡收。  
九重思諫諍。八極念懷柔。徙倚瞻王室。從容仰廟謀。  
故人持雅論。絕塞豁窮愁。復見陶唐理。甘為汗漫遊。  
七言絕句

正音

送人

岑參

西原驛路掛城頭。客散江亭雨未收。君去試看汾水上。白雲猶似漢時秋。

送裴郎中賦吉州

劉長卿

猿啼谷散暮江頭。人自傷心水自流。同作逐臣君更遠。青山萬里一孤舟。

酬曹侍御過象縣見寄

柳宗元

破額山前碧玉流。騷人遙駐木蘭舟。春風無限蕭湘

意欲採蘋花不自由。

竹枝詞

劉禹錫

山桃紅花滿上頭。蜀江春水拍山流。花紅易衰似郎意。水流無限似儂愁。

壘中

張籍

瘴水壘中人。洞流人家多住竹。棚頭一山海上無城郭。惟見松牌記象州。

涼州詞

張籍

鳳林關裏水東流。白蒿黃榆六十秋。邊將皆承主恩

澤無人解道取深州。

青樓怨

王昌齡

香牕風動花入樓。高調鳴箏緩夜愁。腸斷關山不解  
說。依依殘月下簾鉤。

宮詞

李商隱

君恩如水向東流。得寵憂移失寵愁。莫向樽前奏花  
落。涼風只在殿西頭。

閨怨

王昌齡

閨中少女不知愁。春日凝粧上翠樓。忽見陌頭楊柳

色。悔教夫婿覓封侯。

青樓曲

馳道揚花滿御溝。紅粧謾縮上青樓。金章紫綬千餘  
騎。夫婿朝回初拜侯。

遺響

漢苑行

張仲素

春風淡淡影悠悠。點點高枝燕入樓。千步回廊聞鳳  
吹。珠簾處處上銀鉤。

宮怨

司馬札

柳色參差掩畫樓。曉鶯啼送滿宮愁。年年花落無人見。空逐春泉出御溝。

合溪送王永歸東郭

劉商

君去春山誰共遊。鳥啼花落水空流。如今送別臨溪水。他日相思來水頭。

采蓮曲

戎昱

洛陽女兒花滿頭。送送同泛木蘭舟。秋風日暮南湖裏。爭唱菱歌不肯休。

堤上行

劉禹錫

酒旗相望大堤頭。堤下連樁堤上樓。日暮行人爭渡急。槳聲幽軋滿中流。

同李十一醉憶元九

白居易

花時同醉破春愁。醉拆花枝當酒籌。忽憶故人天際去。計程今日到梁州。

從秦城回再題武關

李涉

遠別秦城萬里遊。亂山高下入商州。關門不鎖塞溪水。一夜潺潺送客愁。

胡渭州

張祐

亭亭孤月照行舟。寂寂長江萬里流。鄉國不知何處  
是。雲山漫漫使人愁。

南莊春晚

李群玉

草煖沙長望去舟。微茫烟浪向巴丘。沅湘寂寂春歸  
盡。水綠蘋香入自愁。

謝亭送客

許渾

勞歌一曲解行舟。紅樹青山水急流。日暮酒醒人已  
遠。滿天風雨下西樓。

秋思

琪樹西風枕筆秋。楚雲湘水憶同遊。高歌一曲掩明  
鏡。昨日少年今白頭。

楚吟

李商隱

山上離宮宮上樓。樓前宮畔暮江流。楚天長短黃昏  
雨。宋玉無愁亦自愁。

宿嘉陵驛

雍陶

離思茫茫正值秋。每因風景却生愁。今宵難作刀州  
夢。月色江聲共一樓。

長門宮

裴交泰



自閉長門經幾秋。羅衣濕盡淚還流。一種蛾眉明月夜。南宮歌管北宮愁。

三體

贈殷亮

戴叔倫

日月河邊見水流。傷春未已復悲秋。山中舊宅無人住。來往風塵共白頭。

丹陽送高參軍

嚴維

丹陽郭裏送行舟。別心知兩地秋。日晚江南望江北。寒鴉飛盡水悠悠。

旅懷

杜荀鶴

月華星彩坐來收。嶽色江聲暗結愁。半夜灯前十年事。一時和雨到心頭。

長溪秋思

唐彥謙

柳短莎長溪水流。雨微烟暝立溪頭。寒鴉閃閃前山去。杜曲黃昏獨自愁。

武昌阻風

方澤

江上春風留客舟。無窮歸思滿東流。與君盡日閑臨水。貪看飛花忘却愁。

寫情

李益

水紋玳簾思悠悠。千里佳期一夕休。從此無心愛良  
夜。任他明月下西樓。

訪隱者不遇

竇鞏

籬外涓涓澗水流。槿花半照夕陽收。欲題名字知相  
訪。又恐芭蕉不耐秋。

選唐

春詞

劉禹錫

新粧宜面下朱樓。深鎖春光一院愁。行到中庭數花

朶。蜻蛚飛上玉搔頭。

赴連州諸公置酒相送

謫在三湘最遠州。邊鴻不到水南流。如今暫寄尊前  
笑。明日辭君步步愁。

王舍人竹樓

李嘉祐

傲吏身閑笑五侯。西江取竹起高樓。南風不用蒲葵  
扇。紗帽閑眠對水鷗。

邊詞

姚合

將軍作鎮古沂州。水臙山春節氣柔。清夜滿城絃管

沸行人不信是邊頭。

宮詞

長孫翔

一道甘泉接御溝。上皇行處不曾秋。誰言水是無情物也。到宮前咽不流。

有別

崔道融

且將絲線繫蘭舟。醉下烟灯減去愁。江上有樓君莫上。落花隨浪正東流。

寫懷

高駢

漁竿消日泪消愁。一醉忘情萬事休。却恨韓彭與漢

室功成不向五湖遊。

夕陽樓

李商隱

花明柳暗繞天愁。上盡重城更上樓。欲問孤鴻向何處。不知身世自悠悠。

河岳英靈

從軍行

烽火城西百尺樓。黃昏獨坐海風秋。更吹羌笛關山月。無那金閨萬里愁。

正聲

送梁六

張說

巴陵一望洞庭秋。日見孤峯水上浮。聞道神仙不可接。心隨湖水共悠悠。

涼州歌

郭知運

朔風吹葉鴈門秋。萬里烟塵昏戍樓。征馬長思青海上。胡笳夜聽隴山頭。

上汝州郡樓

李益

黃昏鼓角似邊州。三十年前上此樓。今日山川對垂淚。傷心不獨為悲秋。

舟行夜泊

權德輿

蕭蕭落葉送殘秋。寂寞寒波急暝流。今夜不知何處泊。斷猿啼月引孤舟。

新鴈

杜荀鶴

暮天新鴈起汀洲。紅蓼花疎水國秋。想得故園今夜月。幾人相憶在江樓。

李集

酌崔侍御

嚴陵不從萬乘遊。歸卧空山釣碧流。自是客星辭帝

座元非太白醉揚州。

黃鶴樓送孟浩然之廣陵

故人西辭黃鶴樓。烟花三月下揚州。孤帆遠影碧空盡。惟見長江天際流。

永王東巡歌十一首 其四

龍蟠虎踞帝王州。帝子金陵訪古丘。春風試煖昭陽殿。明月還過鷓鴣樓。

上皇西巡南京歌十首 其六

濯錦清江萬里流。雲帆龍舸下揚州。北地誰誇上林苑。南京還有散花樓。

苑南京還有散花樓。

同前 其八

秦開蜀道置金牛。漢水元通星漢流。天子一行遺聖跡。錦城長得作王州。

峨眉山月歌

峨眉山月半輪秋。影入平羌江水流。夜發清溪向三峽。思君不見下渝州。

長門怨 二首 其一

天迴北斗挂西樓。金屋無人螢火流。月光欲到長門

殿別作深宮一段愁。

巫山枕障。

巫山枕障畫高丘。白帝城邊樹色秋。朝雲夜入無雲處。巴水橫天更不流。

杜集

鮮悶 十二首 其二

商胡離別下楊州。憶上西陵故驛樓。為問淮東一作南不貴賤。老夫乘興欲東遊。

鮮悶 其三

一辭故國十經秋。每見秋瓜憶故丘。今日南一作東湖

采薇蕨。何人為覓鄭瓜州。

漫興 九絕 其五

腸斷春江欲盡頭。杖藜徐步立芳洲。顛狂柳絮隨風去。輕薄桃花逐水流。

承聞河北諸道節度及入朝歡喜口號十二首 其八

漣漫山東一百州。削成如接峽青丘。包茅重入歸關內。王祭還供盡海頭。

答楊梓州

悶到房公池水頭坐逢揚子鎮東州却向青溪不相  
見回船應載阿戎遊

戲為六絕  
其二

楊王盧駱當時體輕薄為文哂不休爾曹身與名俱  
滅不廢江河萬古流

存歿口號

鄭公粉繪隨長夜曹霸丹青已白頭天下何嘗有山  
木人間不解重驂騑

韓集

和歸工部送僧

早知皆是自拘囚不學因循到白頭汝既出家還擾  
擾何人更得或作死前休

贈張十八助教

喜君眸子重清朗攜手城南歷舊遊忽見孟生題竹  
處相看淚落不能收

相中辭張十一功曹

休垂絕徼千行淚共泛清湘一葉舟今日嶺猿兼越  
鳥可憐同聽不知愁

早春與張十八博士籍遊楊尚書林亭寄  
第二閣老無呈白馮二閣老

牆下春渠入禁溝。渠水初破滿渠浮。鳳池近日長先  
暖。流到池時更或作不流。

七言律詩

正音

登安陽城樓

孟浩然

縣城南面漢江流。江嶂開成南雍州。才子乘春樂  
望。群公暇日坐消憂。樓臺晚映青山郭。羅綺晴  
驕綠

水洲。向夕波採明月動。更疑神女弄珠遊。

黃鶴樓

崔顥

昔人已乘白雲去。此地空餘黃鶴樓。黃鶴一去不復  
返。白雲千載空悠悠。晴川歷歷漢陽樹。芳草萋萋鸚  
鵡洲。日暮鄉關何處是。烟波江上使人愁。

早秋京口贈張侍郎

李嘉祐

移家避寇逐行舟。嚴見南徐江水流。吳地征徭  
苦舊。秣陵凋弊不宜秋。千家閉戶無砧杵。七夕何人望  
斗牛。祇有同時駉馬客。偏題尺牘問窮愁。



暮春宜陽郡齋愁坐忽聞柱劉七侍御講  
因以酬答

子規夜夜啼。楮葉遠道逢。春半是愁。芳草伴人還。易  
老。落花隨水亦東流。山當睥睨常多雨。地接瀟湘畏  
及秋。為羨君為周柱史。手持黃紙到滄洲。

長安秋夜即事

盧綸

九重深鎖禁城秋。月過南宮漸映樓。紫陌夜深槐露  
滴。碧空雲盡火星流。清風刻漏傳三殿。甲第歌鐘樂  
五侯。楚客病來無思苦。寤寤燈下不勝愁。

同題仙遊觀

韓翃

仙臺初見五城樓。風物淒淒宿雨收。山色遙連秦樹  
晚。砧聲近報漢宮秋。踈松影落空壇靜。細草春香小  
洞幽。何用別尋方外去。人間亦自有丹丘。

送客歸江州

東歸復得采真遊。江水迎君日夜流。客舍不離青雀  
舫。人家多住白鷗洲。風吹山帶遙知雨。露濕荷裳已  
報秋。聞道泉明居止近。籃輿相訪可淹留。

宿淮浦寄司空曙

李端

愁心一倍長離憂。夜思千重戀舊遊。秦地故人成遠  
夢。楚天涼雨在孤舟。諸溪近海潮皆應。獨樹邊淮葉  
盡流。別恨轉深何處寫。前程惟有一登樓。

西塞山懷古

劉禹錫

王濬樓船下益州。金陵王氣漠然收。千尋鐵鎖沉江  
底。一片降旗出石頭。人世幾回傷往事。山形依舊枕  
寒流。今逢四海為家日。故壘蕭蕭蘆荻秋。

馬嵬

李商隱

海外徒聞更九州。他生未卜此生休。空聞虎旅鳴笳

拆。無復鷄人報曉籌。此日六軍同駐馬。當時七夕笑  
牽牛。如何四紀為天子。不及盧家有莫愁。

重有感

玉帳牙旗得上將。安危須共主君憂。竇融表已來關  
右。陶侃軍宜次石頭。豈有蛟龍曾失水。更無鷹隼與  
高秋。晝號夜泣兼幽顯。早晚星闕雪涕收。

咸陽城東樓

許渾

一上高城萬里愁。蕪葭楊柳似汀洲。溪雲初起日沉  
閣。山雨欲來風滿樓。鳥下綠蕪秦苑夕。蟬鳴黃葉漢

宮秋行人莫問當年事，故國東來渭水流。

京口寄友人

許渾

吳門烟月昔同遊，楓葉蘆花共客舟。聚散有期雲北去，浮沉無計水東流。樽酒盡，青山暮，千里書回碧樹秋。何處相思不相見，鳳樓宮闕楚江頭。

和賈至舍人早朝大明宮

王維

絳綬鷄人送曉籌，尚衣方進翠雲裘。九天閭闔開宮殿，萬國衣冠拜冕旒。日色終臨仙掌動，香烟欲傍衮龍浮。朝罷須裁五色詔，珮聲端到鳳池頭。

送薛居士和州讀書

嚴維

孤雲獨鶴共悠悠，萬卷經書一葉舟。楚地卑城民舍少，烟村社樹鷺湖秋。蒿萊織妾晨炊黍，隅地耕童夕放牛。年少不應辭苦節，諸生喜遇一封侯。

三體

送友人之嶺南

李郢

關山迢遞古交州，歲晏憐君走馬遊。諫氏海邊逢素女，越王潭上見青牛。高臺月照帝狻猊，石室烟涵古桂秋。回望長安五千里，刺桐花下莫淹留。

穎州客舍

姚揆

素禁孤劍尚閑遊。誰共芳樽話。曾醉鄉。夢有時生枕。上客情。終日在眉頭。雲拖雨脚連天去。樹夾河聲遠。郡流回首帝京歸。未得不堪吟。倚文陽樓。

早秋寄題天竺靈隱寺

賈島

峯前峯後寺。新秋絕頂高。窓見沃州人。在定中間蟋蟀。鶴曾棲處掛彌猴。山鍾夜度空江水。汀月寒生古石樓。心憶懸帆身未遂。謝公此地昔曾遊。

長安秋夕

趙嘏

雲物淒涼拂曙流。漢家宮闕動高秋。殘星數點鴈橫塞。長笛一聲人倚樓。紫紵半開離菊淨。紅衣落盡渚蓮愁。鮒魚正羨不歸去。空戴南冠學楚囚。

長陵

唐彥謙

長陵高闕此安劉。附葬壘壘盡列侯。豈上舊居無故里。沛中原廟對荒丘。耳聞英主提三尺。眼見愚民盜一坏。千載豎儒騎瘦馬。渭城斜日重回頭。

咸陽懷古

高棅

城邊人倚夕陽樓。樓上雲凝萬古愁。山色不知秦苑

廢水聲空傍漢宮流。李斯不向倉中悟。徐福應無物。  
外遊。莫怪楚吟偏斷骨。野烟蹤跡似東周。

正聲

將赴嶺外留題蕭寺遠公院 劉長卿

竹房遙閉上方幽。苔徑蒼蒼訪昔遊。內史舊山空日  
暮。南朝古木向人秋。天香月色同僧室。葉落猿啼傍  
客舟。此去播遷明主意。白雲何事欲相留。

同皇甫冉登重玄閣

李嘉祐

高閣朱闌不厭游。蒹葭白水遶長洲。孤雲獨鳥川光

暮。萬井千山海氣秋。清梵林中入轉靜。夕陽城上角  
偏愁。誰堪遠作秦吳別。離恨端心雙淚流。

送元叙上人歸上黨

劉滄

太行關路戰塵收。白日思鄉別沃洲。薄暮焚香臨野  
燒。清晨漱齒涉寒流。溪邊殘壘空雲木。山上孤城對  
驛樓。此去寂寥尋舊蹟。蒼苔滿徑竹齋秋。

津亭

胡宿

津亭欲闕戒棠舟。五兩風來不暫留。西北浮雲連魏  
闕。東南初日滿秦樓。層城渺渺人傷別。芳草萋萋客

倦游平樂舊歡收不得更憑飛夢到瀛洲。

鼓吹

送浙西李相公赴鎮

劉禹錫

建節東行是舊遊。歡聲喜氣滿皇州。郡人重得黃糸相童子爭迎郭細侯。詔下初辭温室樹。夢中先到景陽樓。自憐不識平津閣。遙望旌旗滾滾頭。

郊園秋日寄洛中故人

許渾

楚水西來天際流。感時傷別思悠悠。一樽酒盡青山暮。千里書回碧樹秋。且洛遠波驚宿鴈。風吹輕浪起

眠鷗。嵩陽親友誰相念。潘岳閑居欲白頭。

竹林寺與德玄別

許渾

騷人吟罷起鄉愁。暗覺年光似水流。花滿楚城傷遠別。蟬鳴蕭寺喜同遊。前山日落松杉晚。深夜風清枕簟秋。明日分襟又何處。江南江北路悠悠。

淮陰阻風寄呈楚州高中丞

垂釣荆江欲白頭。江魚堪釣却西遊。劉伶臺下稻花晚。韓信廟前楓葉秋。淮日未明先倚檻。海雲初起更維舟。河橋有酒無人醉。獨上高城望庾樓。

秋晚雲陽驛西亭蓮池

心憶蓮塘秉燭遊。葉殘花敗尚維舟。烟開翠扇清風  
曉。水泛紅衣白露秋。神女暫來雲易散。仙娥終去月  
難留。空懷遠道無持贈。醉倚西樓盡日愁。

高壽博書齋

醉逢

玄晏先生已白頭。不隨鴛鴦狎群鷗。元卿謝免開三  
徑。平仲朝歸臥一裘。醉後獨知殷甲子。病來猶作晉  
春秋。塵纓未濯今如此。野水無情處處流。

驚秋

露竹風蟬昨夜秋。百年心事付東流。明霜義分成虛  
語。阜俗文章惜暗投。長嘆季斯稱溷鼠。每多莊叟喻  
犧牛。五湖烟水盈歸夢。苦荻花中一釣舟。

悼古

細推今古事堪愁。貴賤同歸土一丘。漢武玉堂人豈  
在。石家金谷水空流。光陰自旦還將暮。草木從春又  
到秋。閑事與時俱不了。且將身暫醉鄉遊。

鷓鴣詩

陸龜蒙

詞賦曾誇鷓鴣流。果為名誤別滄洲。雖蒙靜置踈籠

晚不似閑樓折葦秋。自惜稻梁高鳥畏。至今珪組野  
人讐。防微避繳無窮事。好為裁書謝白鷗。鷗徒角切  
鳴牛款切

韻美以紫石硯見贈以詩迎之

霞骨堅來玉自愁。琢成物象古釵頭。澄沙脆弱聞應  
伏青鐵沉埋見亦羞。最稱風亭批碧簡。好將雲竇漬  
寒流。君能把贈閑吟客。徧寫江南物象辭。

送人過衛州

楊巨原

憶借征南府內遊。君家東閣最淹留。縱橫聯句長侵  
夜。次第看花直到秋。論舊舉杯先下淚。傷離臨水更

登樓相思前路幾回首。滿眼青山過衛州。

酬盧員外

謝傳旌旗控上游。盧郎樽俎借前籌。舜城風土臨清  
廟。魏國山川在白樓。雲寺當時接高步。水亭今日又  
同遊。滿筵舊府笙歌在。獨有羊曇最後流。

長安春舍叙邵陵舊宴懷永門蕭使君

其二

曹唐

三年身逐楚諸侯。賓榻容居最上頭。飽聽笙歌陪夜  
飲。熟尋雲水縱閑遊。朱門鎖閉烟霞暮。鈴閣清冷水



木秋。月滿前山圓不動。更邀詩客上高樓。

和周侍御買劍

將軍溢價買吳鉤。要與中原賦寇讐。試掛窓前驚電  
轉。客拋林下怕泉流。青天露拔雲霓泣。黑地潛驚鬼  
魅愁。見說夜深坐斗畔。等閑期刻月支頭。

勗劍

古物神光雪見羞。未能擊出恐泉流。暗臨黑水蛟螭  
泣。潛倚空山鬼魅愁。生怕雷霆號澗底。長聞風雨在  
林頭。垂情不用將糜氣。惱亂司空犯斗牛。  
席字疑誤  
列本作爾字

張碩重寄杜蘭香

宋邕

碧落香銷蘭露秋。星河無夢夜悠悠。靈妃不降三清  
駕。仙鶴空成萬古愁。皓月隔花追歎別。飛烟籠樹省  
淹留。人間何事堪惆悵。海色西風十二樓。

織女懷牽牛

北斗佳人双淚流。眼穿腸斷為牽牛。封題錦字疑新  
思。拋擲金梭織舊愁。桂樹三天烟漠漠。銀河一帶水  
悠悠。欲將心向仙郎說。借問榆花早晚秋。

憶山陽

其二  
其二

趙嘏

折柳磯邊起暮愁。可憐春老獨懷羞。露沾襟正嘆人間  
事。回首更慙江上鷗。鷗是鷓鴣聲中寒食酒。芙蓉花外夕  
陽樓。憑高滿眼送清渭。去傍故山山下流。

清夜泛舟

薛能

都人曾立似山丘。坐肅將軍擁棹遊。遶郭烟波浮泗  
水。一船絲竹載涼州。城中都望皆丹雘。旗裏驚鷗飛  
白鷗。儒將不須誇郤縠。未聞詩句解風流。

陪湖南李中丞璋宴隱溪

曹松

竹林啼鳥不知休。羅列飛橋水亂流。觸散柳絲迴玉

勒約開蓮葉上蘭舟。酒邊舊侶真何遜。雲裏新聲是  
莫愁。若值主人嫌晝短。應陪秉燭夜深遊。

寄胡居士

司空曙

日煖風微南陌頭。青田紅樹起春愁。伯勞相逐行人  
別。岐路空歸野水流。偏憶尋僧同看雪。誰期載酒共  
登樓。為言惆悵嵩陽寺。明月高松應獨遊。

潤州二首  
其一

杜牧

向吳亭東千里秋。放歌曾作昔年遊。青苔寺裏無鳥  
跡。綠水橋邊多酒樓。大抵南朝皆曠達。可憐東晉最

風流月明更想桓伊在一笛聞吹出塞愁。

登池州九華峯寄張祐

百感中來不自由。角聲孤起夕陽樓。碧山終日思無盡。芳草何年恨始休。睫在眼前猶不見。道非身外更何求。何人得似張公子。千首詩輕萬戶侯。

自宣城赴官上京

蕭洒江湖十過秋。酒杯無日不淹留。謝公城外溪驚急。蘇小門前柳拂頭。千里雲山何處好。幾人襟韻一生休。塵冠却掛知閑事。終擬嗟跼訪舊遊。

途次內黃馬病寄僧舍呈諸友人

高駢

官閑馬病客深秋。肯學張衡詠四愁。紅葉寺多詩景致。白衣人盡酒交遊。依違諷刺因行得。澹泊供需不在求。好與高陽結吟社。况無名迹遠珠旒。

贈人

呂洞賓

羅浮道士誰同流。草衣木食輕王侯。世間甲子管不得。壺裏乾坤只自由。數着殘棋江月曉。一聲長笑海山秋。飲餘回首話歸路。遙指白雲天際頭。

與同年李定言曲水閑話戲作

李商隱

海燕參差溝水流。同君身世屬離憂。相携花下非秦  
鰲。對泣風前類楚囚。碧草暗深穿苑路。珠簾不捲枕  
江樓。莫驚五勝埋香骨。地下傷春亦白頭。

無題

共一首

萬事風波一葉舟。憶歸初罷更夷猶。碧江地沒元相  
引。黃鶴沙邊亦少留。益得冤魂終報主。阿童高義鎮  
橫秋。人生豈得長無謂。懷古忘鄉共白頭。

張飛字在  
德字祐字

富平少侯

七國三邊未列憂。十三身散富平侯。不收金彈拋林  
外。却惜銀床在井頭。綵樹轉燈珠錯落。繡檀回枕玉  
雕鏤。當關莫報侵晨客。新得佳人字莫愁。

初秋

温庭筠

月出西南露氣秋。綺寮河漢在西樓。楊家繡作鴛鴦  
帳。張氏金為翡翠鉤。香燭有光妨宿燕。曉屏無睡待  
牽牛。萬家砧杵三篙水。一夕橫塘是舊遊。

將欲南行陪崔八安海樞亭 李群玉

朝宴華堂暮未休。幾人偏得謝公留。風傳鼓角霜侵  
戟。雲卷笙歌月上樓。賓館盡懸徐孺榻。客帆空恋李  
膺舟。謾誇書劍無歸處。水遠山長步步愁。

縣谷迴寄蔡氏昆仲

羅隱

一年兩度錦城遊。前值東風後值秋。芳草有情皆礙  
馬。好雲無處不遮樓。山牽別恨和愁斷。水帶離聲入  
夢流。今日不堪回首望。古烟高木隔綿州。

公子家

李山甫

曾是皇家幾世侯。入雲高第照神州。柳遮門戶橫金

鎖。花擁弦歌咽畫樓。錦袖妬機爭巧笑。玉銜驕馬紫  
閑遊。麻衣酷獻平生業。醉倚春風不點頭。

上元懷古

南朝天子愛風流。盡守江山不到頭。總為戰爭收拾  
得。却因歌舞破除休。堯將道德終無敵。秦把金湯可  
自由。試問繁華何處在。兩峇烟草石城秋。

荆帥

武元衡

金貂再入三公府。錦帳連封萬戶侯。簾捲青山巫峽  
曉。雲凝碧岫渚宮秋。劉琨坐笑風生苑。謝朓裁詩月

滿樓白雲調高歌不得美人南國翠蛾愁

和司門殷員外早秋宵中書直夜寄荆南

衛家端公

權德輿

共嗟王燦滯荆州才子為郎憶舊遊涼夜偏宜粉署  
直清言遠待玉人酌風生北渚烟波濶露下南宮星  
漢秋早晚得為同舍旅知君兩地結離憂

古別

胡宿

長道何年祖較休風帆不斷岳陽樓佳人挾瑟漳河  
曉壯士悲歌易水秋九帳清油徒自貴百壺芳醑豈

消息長樂坡前水不啻秦人怨隴頭

送林學士知明州

綠綈膺檢出神州又拜東吳最上游腰下漢符分半  
虎手中庖刀欠全牛玳筵進酒吳歛曲碧沼觀魚越  
鄂舟政是金華隆舊業群仙相望在瀛洲

月夜寄友人

譚用之

劍氣徒勞望斗牛故人別後阻仙舟殘春謾道深傾  
酒好月那堪獨上樓何處是非隨馬足由來得喪白  
人頭清風未許重携手幾度高吟寄水流

經漢武泉

不知名

芙蓉池苑起清秋漢武泉聲出御溝千里江山映蓬  
髮二年楊柳別漁舟竹間駐馬題詩去物外何人識  
醉遊盡把歸心付紅葉晚來隨水向東流

秋日圃田送人隨計

譚用之

僕射陂前是傳郵去程鷓鴣弄高秋吟拋芍藥裁詩  
圃醉下茱萸飲酒樓向日迴飛駒皎皎臨風誰和鹿  
切忽明年二月仙山下莫遣桃花逐水流

病宮人

袁不約

佳人卧病動經秋  
紗幮襤褸不掛鉤  
四體強扶藤夾  
膝双髮慵整玉搔頭  
花顏有幸君王問  
藥餌無徵待  
詔愁惆悵  
近來消瘦盡淚珠  
時傍枕函流

蜀中春暮

鄭谷

到處明珠是暗投  
兩行清淚語前流  
雲漫新寨遮秦  
水花落空山入閬州  
不忍黃鸝驚曉夢  
惟應杜宇信  
春愁  
梅青麥綠無歸處  
可是漂漂愛浪遊

憶昔

韋莊

昔年曾向五陵遊  
午夜清歌月滿樓  
銀燭樹前長似

畫露桃花下不知秋西園公子名無忌南國佳人號  
莫愁今日別離俱是夢夕陽惟見水東流

綏州

雕陰無樹水南流雉堞連雲古帝州帶雨晚駝鳴遠  
戍望鄉孤客倚高樓明妃去月花應咲蔡琰歸時  
已秋一曲單于暮風起扶蘇城上月如鉤

漢者

胡魯

不媿人間萬戶侯子孫相繼老扁舟往來南越諳蛟  
室生長東吳識蜃樓自為釣竿能遣悶不日萱草解

忘憂羨君獨得逃名趣身外無機任白頭

秋鶯

殘鶯何事不知秋橫過幽林尚獨遊老古百般傾耳  
聽深黃一點入烟流迢遞背世同悲魯劉亮如笙碎  
在喉莫更留連好歸去露凄冷蓼花愁

秋日候翁

許渾

宵衣應待絕更籌環珮珊珊月下樓并轉轆轤千樹  
曉門開問闔萬山秋龍旗盡引起金殿雉扇繞分拜  
玉旒虛戴鐵冠無事日滄江歸去老魚舟



宿淮陰南樓酌常伯熊

皇甫冉

淮陰日落上高樓  
喬木荒城古渡頭  
浦外野風吹入戶  
窓中海月早知秋  
滄江一望通千里  
畫角三聲起百憂  
獨立宵分遠來客  
煩君步履忽相求

奉和魯望新夏冬郊閑泛有懷

皮日休

水物輕明澹似秋  
多情才子倚蘭舟  
碧簑裳下携詩草  
黃篋樓中掛酒筓  
蓮葉蘸波初轉棹  
魚兒簇餌未諳鈞  
共君莫問當年事  
一點沙鷗勝五侯

夏景冲澹偶然作

一室無喧事事幽  
還如貝白在高樓  
天台畫得千迴看  
湖月風來百度遊  
無限世機吟處息  
幾多身計釣前休  
他年謁帝言何事  
請贈劉伶作醉侯

汴河亭

自此以下六首皆渾集附鼓吹

許渾

廣陵花盛帝東遊  
先斨崑崙一派流  
百二禁兵辭象闕  
三千宮女下龍舟  
疑雲鼓震星辰動  
拂浪旗開日月浮  
四海義歸有道迷  
樓還似景陽樓

聞韶州李相公移拜郴州因寄

詔移丞相木蘭舟桂水潺湲嶺北流青漢亭歸雙闕  
矚白雲吟過五湖秋因思迴玉宸人先喜道在金滕世  
不憂聞說公卿盡南望其棠花煖鳳池頭

別張秀才

不知何計寫離憂萬里山川半舊遊風捲春沙和雪  
起日融春水帶冰流凌晨客淚分東郭竟夕鄉心共  
北樓青桂一枝年少事莫因鱸膾涉窮秋

酌錢汝州

白雪多隨漢水流謾勞旌旆晚悠悠笙歌暗寫終年

恨臺榭潛消盡日憂鳥散落花人自醉馬嘶芳草客  
先愁怪來雅韻清無敵三十六峯當庾樓

贈河東虞押門

吳門風木落萍流月滿花開懶獨遊萬里山川分曉  
夢四隣歌管送春愁昔年顧我長青眼今日逢君盡  
白頭莫向樽前更惆悵古來投筆總封侯

陪宣城大夫崔公泛後池並北樓讌

陪泛芳池醉北樓水花繁艷照雁舟亭臺陰合樹初  
晝弦管韻高山欲秋皆賀競巖巖終選傳自傷燕谷禾

逢郗昔特思，遇人能否一尉滄洲已白頭。

詩選

漢陽獻李相公

劉長卿

退身高卧楚城幽，獨掩双扉漢水頭。  
春草雨中行徑沒，暮山江上捲簾愁。  
幾人獨憶孫弘閣，百里同乘范蠡舟。  
早晚却還丞相印，十年空被白雲留。

元日含元殿下立仗丹鳳樓下宣赦上門

下相公

臨軒啓扇似雲收，率士朝天劇水流。  
曙色含春當正

殿香烟捧日在高樓，三陽氣早迎恩澤。  
萬歲聲長繞冕旒，請問漢家功第一。  
麒麟閣上識鄼侯。

送崔使君赴壽州

皇甫冉

列郡專城分國憂，彤幃皂蓋占諸侯。  
仲華遇主年又少，公瑾論功位已酬。  
草色青青迎健隼，蟬聲處處雜鳴騶。  
千里相思如可見，淮南木葉早驚秋。

和樊使君登潤州城樓

劉長卿

山城迢迢敞高樓，露冕吹鐃居上頭。  
春草連天隨北望，夕陽浮水共東流。  
江田漠漠全吳地，野樹蒼蒼故

蔣州三燦尚為南郡客別來何處更銷憂

光嶽芙蓉

典慶池侍宴應制

徐彥伯

夾道傳呼翊翠虬天回日馭轉芳洲青潭曉霧籠仙  
蹕紅旆晴花隔彩旒香溢金杯環廣座聲採妓舸西  
中流群臣相慶嘉魚樂共和橫分歌吹秋

三陽石淙侍宴應制

宋之問

離宮秘苑勝瀛洲別有仙人洞壑嶽巖邊樹色含風  
空石上泉聲帶雨收鳥向歌筵來度曲雲依帳殿結

為樓微臣昔忝方明御今日還陪八駿遊

長信怨

錢起

長信螢飛一葉秋蛾眉泪盡九重幽  
鴉鵲觀前明月度芙蓉關下絳河流  
鴛衾久別難成夢鳳管遙聞更起愁  
誰念昭陽夜歌舞君王玉輦正淹留

贈郭附馬

其二

李端

青春都尉最風流二十功成便拜侯  
金距鬪鷄過上苑玉鞭騎馬出長楸  
薰香荀令偏怜少傅粉何郎不  
解愁日暮吹笙揚柳陌路人遙指鳳凰樓

類編

送馬將軍奏事歸滑州

李嘉祐

吳門別後陷滄洲，帝里相逢俱白頭。  
自嘆馬卿長帶病，還嗟李廣未封侯。  
棠梨宮裏瞻龍衮，細柳營前看豹裘。  
想到滑臺桑葉落，黃河東注荻花秋。

送鄧州崔使君

盧綸

出乘車騎次諸侯，坐領圖書見督郵。  
繞郭桑麻通漢口，滿川風景接襄州。  
高城鳥過方催夜，廢壘蟬鳴不待秋。  
聞說元規偏愛月，知君長伴夜登樓。

餘姚奉簡鮑參軍

嚴維

童年獻賦在皇州，方寸惟思君與侯。  
萬事無成新白首，兩春虛擲對滄流。  
歌詩盛賦文星動，簫管新停曉日遊。  
知己欲依何水部，鄉人今正賤東丘。

送令狐郎中赴鄆州

趙嘏

佐暮才多始拜侯，一門清貴動神州。  
霜蹄冷駐秦雲曉，野旆晴翻鄆樹秋。  
幾處塵生隨候騎，半江帆盡見分流。  
大馮罷相吟詩地，莫惜頻登白雪樓。

籌筆驛

羅隱

拋擲南陽為主憂北征東討盡良籌時來天地雖同  
力運去英雄不自由千里山河輕孺子兩朝冠劍恨  
誰周惟餘岩下多情水猶解年年傍驛流

喜量移登千越亭贈鄭校書 劉長卿

青青草色滿皇州萬里傷心水自流越鳥豈知南國  
遠江花獨向北人愁生涯已許滄浪老冤氣初逢渙  
汗收何事還邀仙客醉春風日夜待端州

九日登高 王昌齡

青山遠近帶皇州霽景重陽上北樓雨歇亭皋仙菊

閉霜飛天苑御梨秋茱萸插鬢花宜壽翡翠橫銀  
作愁謾說陶潛籬下醉何曾得見此風流

感興寄友 李商隱

十年京國捨忘憂詩酒淋漓共貴游漢月夜吟鷓鴣  
觀苑雲春釀鷓鴣表書來慰我臨池上秋去思君到  
水頭惟憶晉人張處士于今江海尚淹留

七夕 温庭筠

鵲歸鳶去兩悠悠青鎖西南月自鉤天上歲時星石  
轉世間離恨水東流金風入樹千門夜銀漢橫空萬

象秋蘇小迴塘通  
桂楫未應清淺隔  
牽牛

李集

寄佳侍郎

宛溪霜夜聽猿愁  
去國長如一繫舟  
獨憐一鴈飛南  
海却羨雙溪解  
北流高人屢解陳  
蕃榻過客難登謝  
眺樓此處別離同  
落葉朝朝分散敬  
亭秋

登金陵鳳凰臺

鳳凰臺上鳳凰遊  
鳳去臺空江自流  
吳宮花草埋幽  
徑晉代衣冠成古  
丘三山半落青天  
外二水合流分白

鷺洲總為浮雲能蔽日  
長安不見使人愁

杜集

題張氏隱居

二首其一

春山無伴獨相求  
代木丁丁山更幽  
澗道一作餘寒  
歷冰雪石門斜日  
到林丘不貪夜識金  
銀氣遠害朝  
看麋鹿遊乘興杳然  
迷出處對君疑是泛  
虛舟

卜居

浣花溪水西頭主人為卜  
林塘幽已知出郭少塵  
事更有澄江銷客愁  
無數蜻蜓齊上下一雙  
鷓鴣對

沉浮東行萬里堪乘興須向山陰上小舟

江村

清江一曲抱村流長夏江村事事幽自去自來梁上燕相親相近水中鷗老妻畫紙為棋局稚子敲針作釣鉤多病所須惟藥物微軀此外更何求

白帝城最高樓

城尖徑尺旌旆愁獨立縹緲之飛樓峽圻雲羶龍虎驄江清日抱鼉鼉遊扶桑西枝封斷石弱水東影隨長流秋藜歎世者誰子泣血迸空迴白頭

見王監兵馬使說近山有白黑二鷹羅者

久取竟未能得王以為毛骨有異他鷹恐

臘後春生騫飛避暖勁翻思秋之甚眇不

可見請余賦詩二首共一

雲飛玉立盡清秋不惜奇毛恣遠遊在野只教心力

破千人何事網羅求一生自獵知無敵百中爭能耻

下鞞鵬礙九天須却避免經二窟莫深憂

舍弟觀赴藍田取妻子到凌江喜寄二首其一

汝迎妻子達荆州消息直傳解我憂鴻鴈影來連峽



內鵲鳴飛急到沙頭曉  
閑險路今虛遠禹鑿金寒江正  
穩流朱紱即當隨綵鷁  
青春不假報黃牛

將赴荆南寄別李劔州弟

使君高義驅今古  
寥落三年坐劔州  
但見文翁能化俗  
焉知李廣未封侯  
路經滙潁雙蓬髮  
天入滄浪一釣舟  
戎馬相逢更何日  
春風回首仲宣樓

寄杜位

近聞寬法離新州  
想見歸懷尚百憂  
逐客雖皆萬里去  
悲君已是十年流  
干戈况復塵隨眼  
鬢髮還應雪

滿頭玉壘題書心緒亂  
何持更得曲江遊

江上值水如海勢聊短述

為人性僻耽佳句  
語不驚人死不休  
老去詩篇渾漫興  
春來花鳥莫深愁  
新添水檻供垂釣  
故著浮槎替入舟  
焉得思如陶謝手  
令渠述作與同遊

長沙送李十一銜

與子避地西康州  
洞庭相逢十二秋  
遠愧尚方曾賜履  
境竟一作非吾上  
倦登樓  
久存膠漆應難並  
一辱泥塗遂晚收  
李杜齊名真忝竊  
朔雲寒菊倍離憂

秋興八首

瞿塘峽口曲江頭，萬里風烟接素秋。  
花萼夾城通御氣，芙蓉小苑入邊愁。  
珠簾繡柱圍黃鵠，錦纜牙樯起白鷗。  
迴首可憐歌舞地，秦中自古帝王州。

簡吳郎司法

有客乘舸自忠州，遣騎安置瀼西頭。  
古堂本置藉疎豁，借汝遷居停宴遊。  
雲石荧荧高葉曉，風江颯颯亂帆秋。  
却為姻婭過逢地，許坐曾軒數散愁。

和裴迪登蜀州東亭送客逢早梅相憶見

寄

東閣官一作觀梅動詩興，還如何遜在揚州。  
此時對雪遙相憶，送客逢春一作花可自由。  
辛不折來傷歲暮，若為看去亂鄉一作春愁。  
江邊一樹垂垂發，朝夕催人自白頭。

涪城縣香積寺官閣

寺下春江深不流，山腰官閣迥添愁。  
含風翠壁孤雲細，背日丹楓萬木稠。  
小院回廊春寂寂，浴鳧飛鷺晚悠悠。  
諸天合在藤蘿外，昏黑應須到上頭。

七言排律

正音

送裴相公上太原

王建

還攜堂印向并州將相兼權是武侯特難獨當天下  
 事功成却進手中籌再三陳乞鑪烟裏前後分張玉  
 按頭朱架早朝排立戟綵槐殘雨看張油遙知鴈塞  
 從今好直到漁陽以北愁邊鋪恐處旂盡換山城欲  
 過館重修千群白刃兵迎節十對紅妝妓打毬聖主  
 分明教暫去不須高起見京樓

類編

寄韓愈侍郎

王建

重登太學領儒流學浪詞鋒壓九州不以雄名踈野  
 賤惟將直氣折王侯詠傷松桂青山瘦取盡珠璣碧  
 海愁聚述異篇經摠別鞭驅險句物先接碑文合遣  
 貞魂謝史筆應令諂骨羞清俸探將還酒債黃金旋  
 得起書樓叅來擬設宮人禮朝退多逢月閣遊見向  
 雲泉求住處若無知薦一生休



